

Jon

ndê bapia tilu-nga

Yom whê bapia dindéc sa-nga

Lau tigauc daêsam sêsôm bu Jon, nan Yisu ndê aposel dan, nan to bapia dindéc, magoc in sam dau bu 'ngac bata' dan, ma to dau ndê ñaê dom. In to bapia dindéc têt awê dan ti ndê balêkoc (1, 4-5), ma yêc bapia dau ñambu-nga, Jon kêt acsalô têt awê dau akêt in dôwawê dan ndê balêkoc (13). Lau daêsam gauc gêm bu yom pi awê lu dinañ hêganôn gôlôwac dabun ton lu, ma yom pi inlu si balêkoc, nan hêganôn lau sêkêt whin-nga nan sêmbo gôlôwac dau ñalôm.

Jon to bapia dindéc tu puc ñac dôn bu sêsap yom ñandô ma mêtê atac whin-nga dôn. In kêt puc ñac pi lau nan sêndôhôn yom tasan, nan sêsêc yom ñandô pi Yisu ahuc, ma sêsôm bu Yisu in Anötö ndê Atu dom. Jon sôm têt lau sêkêt whin-nga bu sêmbo ahê lau kain dinañ hon.

Jon gêm mbec lau

¹ Aô ngac bata dec, gato yom têt am awê nan Anötö kêyalin am sa su, ma têt am nem balêkoc. Yac hon dasap yom ñandô dôn, ma tu dinañ-nga aô tac whin mac kêlêc. Aô tanwasên dom, lau hon nan sênjalê yom ñandô, nan atac whin mac sêwhin.

² Nahu bu yom ñandô yêc yac neñ ñalôm, ma oc yêc yac ñalôm ñapan.

³ Daman Anötö lu in ndê Atu Yisu Kilisi si mwasiñ ti tawalô ma yom malô whin yac

lau nan dasap yom nandô ti mêtê atac whin-nga dôñ.

Yom nandô ma mêtê atac whin-nga

⁴ Aö gatap mac nem balêkoc nãtô sa, ma aö galic bu nãc sêsa lêñ yom nandô-nga sêñkuc yomsu nan Damañ Anötö kêñ têñ yac. Tu dinañ-nga aö atac nãyham atu. ⁵ O awêhê nãyham, kwahic dec aö bu wateñ mac bu asap yomsu dau dôñ nãpañ. Yac hoñ dakôc yomsu dau sa, têñ ndoc yac dakêñ whin tiwakuc. Ma bocdinañ dec aö gato tôm yomsu wakuc dom. Ma yomsu dau bocdec bu, yac atac whin neñ asidôwai dandic nãawaê. ⁶ Ma mêtê atac whin-nga nãhu bocdec bu, yac dasa neñ lêñ ti dañañ wambu Anötö ndê yomsu. Yomsu dau mac añgô têñ ndoc mac akêñ whin tiwakuc, ma yêc bocdec bu, asa nem lêñ ti asap mêtê atac whin-nga dôñ.

⁷ Lau tasanã daêsam sêmbo nom, nan sêsôm bu Anötö ndê Mesaya meñ mbo nom ti nãmalac nandô dom, ma bocdinañ sêsêc yom nandô pi Yisu ahuc. Asa nan sôm yom dinañ, inã tasanã dinda ma Kilisi ndê nãcyo. ⁸ Bocdinañ ayob daôm nãpep bu sêñsau mac e aso nandô nãyham nan mac am gwelenã atu bu atap sa-nga, nan dom. Alhac nãnga, tu bu atap nandô dau sa. ⁹ Bu asa nan kêdôhôn yom nan so yom nandô pi Yisu Kilisi, nan meñ akêñ Anötö ndê dom. Magoc asa nan sap yom nandô pi Yisu dôñ nãpañ, nan ti Damba ndê, ma ti Atu ndê gêñ whin. ¹⁰ Asa nan bu têñ mac meñ, magoc êndôhôn yom nandô pi Yisu dom, nan akôc inã sa pi nem andu dom, ma akam inã dom. ¹¹ Bu asa nan kôc nãmalac

kaiŋ dinan sa, nan wêkaiŋ iŋ ndê gwelen sac dinan whiŋ.

Yom ŋambu-ŋga

¹² Yom daêsam yêc bu wakêŋ têt mac, tigen aö bu wato sip bapia dindec dom. Aö gakêŋ batan bu wandic mac kêsi, goc danem yom-galôm aŋôŋ andô pitigen. Ma boc-dinan yac oc datisambuc.

¹³ Am dôwamwê nan Anötö kêyalin sa yêc gamen dindec, nan ndê balêkoc sêkôm acsalô ŋayham têt mac.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 11 Nov 2022 from source files dated 9 Oct 2020

545e5ca3-1e95-59e4-8380-93951e023cf7